

清林春溥撰

武王克殷日記
一卷序一卷跋一卷
滅國五十考
一卷

世界書局印行

知有所不可強事有所不可誣居今日而溯數千載以上
載籍殘缺乃欲訂古事之源委擬史官之編年誣耶強耶
羅氏路史金氏前編均不能無譏焉故史表斷自共和紀
實也共和以前編年尙難況於紀日惟武王克殷甲子見
於武成逸書者頗詳而顛倒雜亂讀者瞢然近日曲阜孔
君編爲日譜始正劉歆置閏之非可謂秩然而得其條理
者顧繫事寥寥靡洽聞見輒復叅之傳記附以時事其日
不可考者則證以地理遠近情勢先後不徒爲鑿空揣摩
之說事綜三月篇逾萬言名之曰武王克殷日紀嗚呼古
人往矣區區寡昧而強作解事庸知愈乎然尙幸有所据
依以藉余口令覽者如置身於杖鉞麾旄之側亦考古者
之一快也惜不獲起孔君而正之耳嘉慶二十四年己卯

鑑塘林春溥序

武王克殷日記

閩中林春溥鑑塘纂

史記曰武王卽位九月上祭於畢

時在四月見書大傳大誓難注曰周四月

也馬融曰畢文王墓地名也案周書序武王將起師伐商

曰鳴呼謀泄哉今朕東觀兵至於盟津爲文土木主

載以車中軍
尸子曰武王伐紂載尸而行海
武王自稱

太子發
詩正義引我應說云文王之戒武王曰我言奉終之後桓爾太子河洛復告遵朕稱王

文王以伐不敢自專乃告司馬
論衡曰師尙父爲司徒

司空諸節齊栗信哉予無知以先祖有德臣小子受先

功畢立賞罰以定其功遂興師師尙父左杖黃鉞右把

白旄以誓曰蒼兕蒼兕總爾衆庶與爾舟楫後至者斬

案伯夷傳叩馬之諫在此時然云
武王渡河中流白魚

武王克殷日記

武王克殷日記

躍入王舟中武王俯取以祭既渡有火自上復於下至
於王屋流爲鳥其色赤其聲魄云是時諸侯不期而會
盟津者八百諸侯諸侯皆曰紂可伐矣武王曰女未知
天命未可也乃還師歸居二年聞紂昏亂暴虐滋甚殺
王子比干囚箕子太師疵少師彊抱其樂器而犇周於
是武王徧告諸侯曰殷有重罪不可以不畢伐書序惟
年武王伐殷紀年帝辛五十一年王囚箕子殺王子比
干微子出奔五十二年庚寅周始伐殷實武王之十一
年也

國語曰武王伐殷歲在鶉火

詩正義推是
年歲在辛未

月在天駟日

在析木之津辰在斗柄星在天龜

尸子曰武王伐紂魚辛諫曰歲在北方不北征武王不
聽

十二月

殷正
周一月

史記曰武王伐紂吹律聽聲推孟春以至於季冬殺氣相并而音尙宮

戊子

二十八日

三統歷曰師初發以殷十一月戊子

言師先發武王後發故下云王逮師

也十一月當作十二月說見後

日在析木箕七度故傳曰日在析木之

津是夕也月在房五度房爲天駟故傳曰月在天駟

史記曰乃遵文王遂率戎車三百乘虎賁三千人甲士

四萬五千人以東伐紂

書序作戎車三百兩虎賁三千人孔傳曰兵車百夫長所載

車步卒七十二人凡二萬一千人舉全數周書作周車二百五十乘畢子作擇車百兩虎賁之卒四百人博物志作與三百乘甲三千惟孟子呂氏春秋與史同

一月

殷正
周二月

武王克殷日紀

二

案武王伐紂出師在十一年而克殷實在十二年故
呂氏春秋曰武王立十二年而成甲子之事紀年亦
云十二年辛卯王率西夷伐殷敗之于坭野而泰誓
稱十三年者蓋通其成君之歲數之耳

辛卯

朔

三統歷曰戊子後三日得周正辛卯朔合辰在斗前一
度故傳曰辰在斗柄明日壬辰辰星始見

孔臯軒經學卮言曰歆以一月爲周正月正月二日
壬辰則四月不得有辛亥乙卯之等故推是年閏二
月以足之其實古法歸餘於終魯閏三月君子以爲
非禮春秋經傳及秦漢本紀書閏月恒在歲末斷無
閏二月者也竹厂陳子以爲一月者殷之正月二月

者殷之二月時猶因商正

詩大明正義曰鄭注尙書謂武王伐紂時日皆用殷

歷既事於牧野遂改正朔以殷三月爲四月故武成

無三月丑月而往卯月而還司馬法所謂師出不踰

時者歟國語曰昔武王伐殷辰在斗柄殷之正月斗

柄建丑其月朔猶接冬至之氣故日月得合辰於星

紀之末與斗柄同在丑位此一月壬辰爲丑月之證

彼上云月在天駟日在析木之津則是諸侯師始發

之日月在房日在箕斗之間也

壬辰

二日

武成曰惟一月壬辰旁死魄

三統歷曰死霸朔也生霸望也霸魄同正義曰朔

是死魄故月二日近死魄

癸巳

三日

武王克殷日記

三

武成曰越翼日癸巳王朝步自周于征伐商

史記曰武王將伐紂卜龜兆不吉風雨暴至羣公盡懼
唯太公彊之勸武王武王於是遂行

周書和寤曰王乃出圖商至于鮮原

注近岐周之地也小山曰鮮

召

邵公奭畢公高王曰嗚呼敬之哉無競惟人人允忠惟
事惟敬小人難保后降惠于民民罔不格惟風行賄賄
無成事縣縣不絕蔓蔓若何豪末不掇將成斧柯王乃
厲翼于尹氏八士唯固允讓德降爲則振于四方行有
令問成和不逆加用禱巫神人允順

紀年秋周師次于鮮原

丙午

十六日

書大傳大誓曰惟丙午王逮師

言武王與前師相及也

前師乃鼓

鉦

音荷

躁師乃愾前歌後舞

丁未

十七日

周書世俘曰惟一月丙午

原作丙辰今從抱經堂改下同

旁生魄若翼

日丁未

原丁巳

王乃步自于周征伐商王紂

業此指發自建師言也

周書武寤曰王赫奮烈八方咸發高城若地商庶若化約期于牧案用師旅商不足滅分禱上下王食無疆王不食言庶赦定宗尹氏八士太師三公咸作有績神無不饗

乙卯

二十五日

呂氏春秋曰武王至鮪水

案洧水出河南登封縣北三十八里陽城山在今孟津縣

西南百餘里知爲未至孟津前二日也

殷使膠鬲候周師武王見之膠鬲

曰西伯將何之無欺我也武王曰不子欺將之殷也膠

鬲曰竭至

帝王世紀作何日至

武王曰將以甲子至殷郊子以是

武王克殷日紀

四

報矣膠鬲行天雨日夜不休武王疾行不輟軍帥皆諫曰卒病請休之武王曰吾已令膠鬲以甲子之期報其主矣今甲子不至是令膠鬲不信也其主必殺之吾疾行以救膠鬲之死也

呂氏春秋曰武王使叔旦就膠鬲於次四內而與之盟曰加富三等

就官一列爲三書同辭血之以牲埋一於四內皆以一歸妄

丁巳

二十七日

泰誓上曰惟十有三年春大會于孟津

釋文曰泰誓年月不與序相應

馬鄭王肅諸儒皆疑之書正義曰周去孟津千里自三日至二十八日渡每日四十許里時之宜也案大會諸侯當在戊午前一日蓋師集而後誓誓已而後渡河其至之先後勢須稍待不必以按日拘矣

戊午

二十八日

書序曰一月戊午師渡孟津

方輿紀要曰孟津舊縣在今縣東二十里武濟城又

在舊縣東相傳武王伐紂由此濟河

作泰誓三篇

淮南子曰武王伐紂渡於孟津陽侯之波逆流而擊疾風晦冥人馬不相見於是武王左操黃鉞右秉白旄瞋目而撫之曰余任天下誰敢害吾意者於是風濟而波罷

拾遺記曰周武王東伐紂夜濟河時雲明如晝八百之族皆齊而歌

泰誓中曰惟戊午王次于河朔

此既渡河作

羣后以師畢會

王乃徇師而誓

史記曰十二月

蓋用夏正

戊午師畢渡盟津諸侯咸會曰孳

孳無怠武王乃作太誓告於衆庶今殷王紂乃用其婦人之言自絕于天毀壞其三正離遏其王父母弟乃斷棄其先祖之樂乃爲淫聲用變亂正聲怡說婦人故今

武王克殷日記

五

予發維共行天罰勉哉夫子不可再不可三

己未

二十九日

泰誓下曰時厥明

戊午之明日也

王乃大巡六師明誓衆士

二月

殷正周三月朔

庚申

朔

韓詩外傳曰武王伐紂到於邢丘

今懷慶府東南七十里入溫縣界

楯

折爲三天雨三日不休武王心懼召太公而問曰意者紂未可伐乎太公對曰不然折爲三者軍當分爲三也

天雨三日不休欲灑吾兵也乃修武勒兵於甯

今修武縣

更名邢丘曰懷甯曰修武

辛酉

二日

荀子曰武王之誅紂也行之日以兵忌東面而迎太歲

至汜而汜

淮南子作至汜而水案汜水源出汜水縣南四十里方山縣西三十里爲偃師縣界在河南

之至懷而懷

懷在武陟縣西北至共頭而山隧共山今

七里屬衛輝

霍叔懼曰出三日而五災至無乃不可乎周公

曰剋比干而囚箕子飛廉惡來知政夫又惡有不可焉

遂選馬而進

案出三日者以己未晦發自河朔而言也左傳成十六年鄢陵之戰六月甲午晦楚

蓋亦以晦故耳○呂氏春秋曰武王使保召公就微子

開於共頭之下而與之盟曰世爲長侯守殷常祀相奉

桑林宜私孟諸爲三書同辭血之以牲埋一於共頭之

下皆以一歸伯夷叔齊聞之相視而笑曰諱異乎哉此

非吾所謂道也以此紹殷是以亂易暴也吾聞古之士

遺乎治世不遯其任遭乎亂世不爲苟存今天下闇周

德衰矣與其並乎周以漫吾身也不若避之以潔吾行

二子北行至首陽之下而餓焉案莊子略同並屬誣誕

壬戌三日

荀子曰朝食於戚

今開州北五里屬大名府在衛輝東發非所經

武王克殷日記

六

暮宿於百泉

武王克殷日記

六

今輝縣西北
七里屬衛輝
厭旦於牧之野
案前到共山行疾此宿百泉行緩蓋未至則疾行以
救膠鬲之死將至則緩行以待諸侯之集也

癸亥

四日

武成曰癸亥陳于商郊俟天休命

孔傳曰紂近郊三十里地名牧疏引皇甫謐云在朝歌南七十里孔晃謂去朝歌二十里郡國志

朝歌南有牧野注云去縣十七里寰宇記衛州汲縣水紂之都近郊十三里武王戰於牧野卽其地書正義曰商郊去河四百餘里凡經五日行八十里

國語曰王以二月癸亥夜陳未畢而雨

尉繚子曰武王伐紂背濟水向

山阪而陳以二萬二千五百人擊紂之億萬

周書克殷曰周車三百五十乘陳于牧野

周書武順曰吉禮左還順天以利本武禮右還順地以

利兵將居中軍順人以利陣五五二十五曰元卒一卒

居前曰開一卒居後曰敦左右一卒曰閭四卒成衛曰

伯三伯一長曰佐三佐一長曰右三右一長曰正三

一長曰卿三卿一長曰辟

從抱經堂本下放此

書大傳大誓曰武王伐紂至于商郊停止宿夜士卒皆

歡樂鼓舞以待旦

祭統曰辨莫重於武宿夜皇侃以爲因此以名曲

甲子五日

史記曰二月甲子昧爽武王朝至於商郊牧野乃誓武

王左杖黃鉞右把白旄以麾曰遠矣西土之人武王曰

嗟我有國家君司徒司馬司空亞旅師氏千夫長百夫

長及庸蜀羌髻微纘彭濮人

華陽國志曰武王伐紂實得巴蜀之師巴蜀勇銳

舞以凌殷人倒戈

稱爾戈比爾干立爾矛予其誓古人有言牝

雞無晨牝雞之晨惟家之索今殷王紂維婦人言是用

自棄其先祖肆祀不答昏棄其家國遺其王父母弟不

武王克殷日紀

七

用乃惟四方之多罪逋逃是崇是長是信是使俾暴虐
於百姓以姦軌於商國今子發維共行天之罰今日之
事不過六步七步乃止齊焉夫子勉哉不過於四伐五
伐六伐七伐乃止齊焉勉哉夫子尙桓桓如虎如羆如
豺如離於商郊不禦克奔以役西土勉哉夫子爾所不
勉其於爾身有戮誓已諸侯兵車會者四千乘陳師牧
野帝紂聞武王來亦發兵七十萬人距武王鬻子曰紂
陳於商郊起自黃鳥至於赤斧淮南子曰師起容關至
蒲水土億有餘萬六韜曰紂之卒握炭流湯者十八人
崇侯虎等舉六百石重沙二十四國人國策曰紂帥天下
將甲百萬左飲於淇谷右飲於洹水淇水竭而洹水不
流以與周武王使師尙父與百夫致師以大卒馳帝紂
武王爲難師紂雖衆皆無戰之心心欲武王亟入紂師皆倒兵
以戰以開武王武王馳之紂兵皆崩畔紂鬻子曰武王
乃命太公把